



Gradonačelnik

Ul. Varoških polja b.b., tel/fax: 035/369-162, e-mail: opc.sreb@bih.net.ba, web: www.srebrenik.ba

Broj: 07-2108/23

Datum: 13.07.2023.godine

Gradonačelnik na osnovu člana 69. stav 1. tačka b) i člana 70. Zakona o javnim nabavkama ("Službeni glasnik BiH", broj: 39/14 i 59/22), čl. 38. i 118. Statuta općine Srebrenik („Službeni glasnik općine Srebrenik“, broj: 1/08) i člana 11. Privremene Statutarne odluke grada Srebrenik („Službeni glasnik grada Srebrenik“ broj:1/09), a na preporuku Komisije za javnu nabavku po zapisniku broj: 07-2108/23 od 12.07.2023. godine za *izgradnju i uređenje dječijeg igrališta i poligona MZ Srebrenik II*, d o n i o j e:

O D L U K U
O PONIŠTENJU POSTUPKA

I

Poništava se postupak za javnu nabavku **izgradnje i uređenja dječijeg igrališta i poligona MZ Srebrenik II**, pokrenut po Otvorenom postupku broj: 07-2108/23 od 16.06.2023. godine, objavljenom na portalu javnih nabavki, Obavještenje o nabavci broj: 761-1-3-22-3-29/23 od 21.06.2023. godine i u „Službenom glasniku BiH“ broj: 45/23 od 23.06.2023. godine iz razloga što je primljena ponuda nepravilna.

II

Ova odluka objavit će se na web-stranici www.srebrenik.ba, u skladu sa članom 70. stav 6. Zakona o javnim nabavkama.

O B R A Z L O Ž E N J E

Postupak za javnu nabavku *izgradnje i uređenja dječijeg igrališta i poligona MZ Srebrenik II*, putem otvorenog postupka, pokrenut je Odlukom Gradonačelnika broj: 07-2108/23 od 15.06.2023. godine, Obavještenje o nabavci broj: 761-1-3-22-3-29/23 objavljeno je dana 21.06.2023. godine na Portalu javnih nabavki, a sažetak Obavještenja o nabavci objavljen je u »Službenom glasniku BiH« broj: 45/23 od 23.06.2023. godine.

Procjenjena vrijednost nabavke iznosi 42.708,55 KM (cijena bez PDV-a).

U roku za predaju ponuda koji je određen Tenderskom dokumentacijom (12.07.2023. godine do 11:00 sati) na adresu Ugovornog organa dostavljena je samo ponuda ponuđača „GAUDIUM“ d.o.o. Brijesnica Velika, Doboj Istok, broj ponude: 175/23 od 11.07.2023. godine.

U skladu sa članom 63. Zakona o javnim nabavkama, Komisija je u zakazano vrijeme pristupila javnom otvaranju pristigle ponude, o čemu je sačinjen Zapisnik o otvaranju ponuda broj: 07-2108/23 od 12.07.2023. godine, koji je elektronskim putem uredno poslan ponuđaču „GAUDIUM“ d.o.o. Brijesnica Velika, Doboj Istok. Komisija je zatim pristupila detaljnom pregledu i analizi dokumentacije priložene uz dostavljenu ponudu u smislu provjere njene potpunosti, prihvatljivosti i ispravnosti, kao i usklađenosti sa zahtjevima Ugovornog organa iskazanim u Tenderskoj dokumentaciji. Tom prilikom komisija je utvrdila da je ponuda navedenog ponuđača nepravilna, odnosno da nije u skladu sa tenderskom dokumentacijom, obzirom da nije numerisana, kako je to zahtijevano tačkom 14.3. Tenderske dokumentacije. Komisija je dalje utvrdila, da Obrazac za cijenu ponude – radovi (Prilog III) nije popunjen. Predmjer radova – I PRIPREMNI RADOVI, kao sastavni dio tenderske dokumentacije, odnosno Priloga III – Obrasca za cijenu ponude, također nije popunjen.

Na osnovu svega naprijed navedenog, Komisija je konstatovala da je ponuda ponuđača „GAUDIUM“ d.o.o. Brijesnica Velika, Dobož Istok, nepravilna, i kao takva se odbija, a u skladu sa članom 2. stav 1. tačka 1) alineja 3) Zakona o javnim nabavkama, kojim je prevashodno određeno da je nepravilna ponuda ona koja nije u skladu s tenderskom dokumentacijom, a kao u konkretnom slučaju.

Primjenom člana 69. stav 1. tačka b) i stav 2. tačka d) Zakona o javnim nabavkama, te članovima 38. i 118. Statuta općine Srebrenik („Sl. Glasnik općine Srebrenik“, broj: 1/08) i Privremene odluke grada Srebrenik (Sl. Glasnik Grada Srebrenik, broj: 1/19) odlučeno je kao u tački I. Ove odluke.

Pouka o pravnom lijeku:

Protiv ove odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. Zakona o javnim nabavkama. Žalba se podnosi u dovoljnom broju primjeraka, a koji ne može biti manji od 3 (tri).

Dostavljeno:

1. Službi za prostorno uređenje i zaštitu okoliše,
2. Ponuđaču
3. Budžetu
- ④ Evidenciji
5. ARHIVI



GRADONAČELNIK

Adnan Bjelić